

Esti ye otru cantar

Enguedeyu

Yo conozo un Pepín
 más gordu qu'un Antón,
 y cuenten que Berlín
 ye'l triple que Xixon.


Difficil ye alcontrar
 bona desplicación
 a llamase Xuanín
 y ser un paisanón.

Pequeñín
 ye'l gurrión
 y grande ye'l mastín
 del xefe nuevu la estación.

Pequeñín
 ye un botón
 y ye más llargu'l Rin
 que venti veces el Nalón.

A un neñu de Morcín
 llamába-y l'atención
 qu'a un microbiu tan ruin
 y-llamen sarampión.

Difficil ye alcontrar
 bona desplicación
 a llamase Xuanín
 y ser un paisanón.



1 ¿Por qué Xuanín, Morcín o Nalón s'escriben con mayúscula?

Porque

2 Escribi na llibreta los ocho nomes propios qu'apaecen nesti cantar.

3 Pon, nel so sitiu, los nomes propios del exerciciu anterior:

NOMES DE PERSONA	NOMES DE LLUGAR	NOMES DE RÍU


Alcuérdate que palabres agudes son les que tienen la pronunciación fuerte (tónica) na última sílaba.

4 Nel cantar hai munches palabres agudes. Escribi 4 que rimen con Pepín y otres 4 con Antón.

Con Pepín rimen: y

Con Antón rimen: y

5 Esti ye'l mapa d'Asturies y de los sos conceyos.



- ¿Cuántos conceyos hai n'Asturies?
- ¿De qué conceyos fala'l cantar? ¿Qué número tienen nel mapa? Pa sabelo, mira otru mapa colos nomes qu'hai al final del llibru.
- ¿Cómo se llama'l to conceyu? ¿Qué número tien?
- ¿Qué conceyos llinden col tuyu?



rei
(minúscula)

(mayúscula)
Pelayu

